



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Statv Religionis Christianae, Per Evropam, Asiam,
Africanam, Et Orbem Nouum, Libri IV.**

Le Mire, Aubert

Coloniae Agrippinae, 1619

Cap. LVII. De Graeciae & Patriarchatus Constantinopolitani statu.

urn:nbn:de:hbz:466:1-11108

Smolenscum hodie tenent Poloni , cum magna parte Moscouiæ.

De Characteribus Moscouiticis , qui è Græcis sunt deprauati , vide suprâ capite 42.

CAPVT LVII.

DE GRÆCIAE ET PATRIARCHATUS CONSTANTINOPOLITANI STATU.

GRæcia , omnium penè artium ac scientiarum olim inuentrix ac cultrix, hodie maximâ ex parte Turcarum tyrannide oppressa iacet. Veneti partem aliquam possident , sed ferè in mari , vel ad mare. De hodiernis Græcorum moribus scribit fusè Bellonius, Observationum lib. I. cap. 3. & sequentibus. Græcanicarum Ecclesiarum statum sub Imperio Turcico, iam inde ab expugnata Constantinopoli vsque ad hæc tempora , fusè describit Martinus Crusius in suâ Turco-Græciâ, sed cautè legenda.

In ipsa vrbe Constantinopolitana hodieque multi viuunt homines Christiani, ritus Latini , quos vulgò *Cassalucos* vocant ex opido Cassa per Mahometem Turcarum Regem eò translati : & possident templum S. Nicolao sacrum.

I In

In vrbe Pera, quæ non nisi canali seu sinu maris à Constantinopoli est seiuncta, præter Legatos Principum Christianorum, aliquot millia viuunt è nostris. Ibi dem Franciscani, Dominicani, Carmelita, & Benedictini sua habent monasteria ac templa.

Benedictinorum Abbatia, B. Mariæ sacra, iam inde ab anno 1449. subest Congregationi Cassinensi, seu S. Iustinæ de Padua, & plurimos habet redditus ac prædia in ditione Genuensi.

Habent item Peræ Collegium, ac scholas cum Græcas tum Latinas, Patres Soc. Iesu; idque beneficio Henrici I V. Gallia Regis, Græcanicis porro Ecclesijs vnus olim Patriarcha Constantinopolitanus præsidebat: hodie verò plures Græcanici per Orientem Patriarchæ existunt: nimirum Constantinopolitanus, qui Constantinopoli; Alexandrinus, qui Cæiri; Damascenus, qui Damasci; & Antiochenus, qui Antiochiæ sedem habet. De quibus sic Bellonius lib. I Obseruationum c. 35. *Licet Græcanicæ Ecclesiæ caput, Patriarcha nuncupatus, Constantinopoli sedem habeat, plerique tamen alij idem nomen, similemque potestatem obtinent in ijs prouincijs, quibus præsunt. Nam Patriarcha Alexandrinus absolutam potestatem habet in eos, qui Græcos ritus obseruantes in Aegypto & Arabia viuunt, magnifi-*

casque in Memphi, siue in Cairo habet aedes,
quas vidimus, adibus Patriarcha Constantino-
politani (quæ peculiari nomine Patriarcha-
tus nuncupantur) non multum inferiores. A-
lius Patriarcha Damasci residet, qui absolutè
imperat omnibus monasterijs & hominibus
Græcam religionem amplectentibus, Syriam-
que incolentibus: isque cogitur singulis annis
adesse decimæ quinta die Augusti, in monaste-
rio supra montem Libanum, vt istic Liturgiam
celebret. Est præterea alius Antiochiæ,
qui monasterijs & alijs Christianis Græcis
præest, qui Barut, Tripolim, Haleb, aliaque
plurima Asia loca inhabitant. Turcarum
Imperator hos Patriarchas sua religione vt
permittit, modò tributum persoluant. Dici-
tur verò Constantinopolitanus pro monasterijs
in monte Atho sitis alijsque per Europam spar-
sis, duodecies mille ducatos aureos pendere.
Porro cum istorum Patriarcharum quispiam
è viuis excessit, Episcopi & Metropolitanus,
qui nostrorum Cardinalium instar sunt, con-
ueniunt, vt alium eligant. Perpendendum au-
tem est neminem Patriarcham creari pos-
se, nisi primùm Metropolitanus fuerit,
quod cum Pontificia constitutione ferè con-
uenit. Hactenus Bellonius. Qua ve-
rò ratione Patriarcharum Byzantij,
Alexandriæ, Antiochiæ, & Ierosol-
I 2
lymo-

lymorum, itemque Archiepiscopi Iustiniana primæ (quæ vrbes omnes sub Imperio Constantinopolitano fuere) designatio quondam fieri soleat, Curopalates explicat libro de Officialibus Palatij Constantinopolitani.

CAPVT LVIII.

DE CYPRO, CHIO, ALIISQVE
insulis maris AEGæi.

IN maris AEGæi insulis plurimæ passim viuunt familiæ Christianæ, ritus Latini, Græcis ac Turcis mixtæ: quibus sacra ferè administrant Patres Franciscani, aut Dominicani. In Chio vrbe numerantur decem circiter millia hominum, nostræ Religionis ac ritus: quibus Episcopus Latinus præest, à Romano Pontifice confirmatus. In eadem vrbe Residentiam habent Patres Soc.

I E S V.



DE